

Sisimiut Kangerlussuullu akornanni qallersugaanngitsumik aqqusinermik sanaartornermi  
Namminersornerullutik Oqartussanit inatsisitigut aningaasartuutissat pisariallit tamaasa  
ingerlatsinermi aningaasartuutit kommunip nammineq isumagissappagit  
qulakkeerneqarnissaannut Naalakkersuisut peqquneqarnissaannik Inatsisartut  
aalajangiiffissaattut siunnersuut.

*Inatsisartuni ilaasortaq Anders Olsen, Siumut*

**Sanaartornermut Ataatsimiititaliap**

**Siunnersuutip aappassaaneerneqarneranut**

**ISUMALIUTISSISSIONTAA**

Sanaartornermut Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Kristian Jeremiassen, Inuit Ataqatigiit, Siulittaasoq  
Inatsisartunut ilaasortaq Siverth K. Heilmann, Atassut, siulittaasup tullia  
Inatsisartunut ilaasortaq Harald Bianco, Inuit Ataqatigiit  
Inatsisartunut ilaasortaq Anders Olsen, Siumut  
Inatsisartunut ilaasortaq Jens Kristian Therkelsen, Siumut

UPA 2023-mi ulloq 19. maj siullermeerinninnerup kingorna ataatsimiititaliap siunnersuut misissorpaa.

**Siunnersuutip imarisaa siunertaalu**

Namminersorlutik Oqartussat ukiuni kingullerni, Qeqqata Kommunia minillugu, kommunini tamani attaveqaasersuutiliornerit annertuut nutaat suliaralugillu aningaasaliiffigisarpai. Namminersorlutik Oqartussat 2010-milli mittarfinnut, erngup nukissiorfiliornernut umiarsualivinnullu milliardilikkaanik aningaasaliiffigisaani, Qeqqata kommunia salliutinneqarsimannngilaq. Nunamut immikkoortumut Sisimiut Kangerlussuullu akornanni ineriartortinniarlugu suliniummut annertuumut aqqusinniornissamut Namminersorlutik Oqartussanit tapaserneqarnersoq ersarluppoq.

Namminersorlutik Oqartussat aamma kommunit akornanni nunaannarmi aqqusinniorinssamut ersarissumik akisussaaffinnik avitsisoqarsimanginnera Inatsisartut aalajangiiffigisassaannik siunnersuuteqartup siunnersuuteqarnermini aamma maluginiarsimavaa.

### **Siunnersuutip Inatsisartunit siullermeerneqarnera**

Siunnersuut partiinit tamangajannit taperserneqarpoq ataatsimiititaliamillu suliarineqarnissaa innersuussutigineqarpoq.

Aalajangiiffigisassatut siunnersuummi marlunnik suliassartaqartoq Naalakkersuisut naliliippuit. Suliassartaa siulleq nunaannarmi aqqusinniorinssamut inatsisitigut tunngavissat pisariaqartinneqartunut tunngavoq aappaattullu, Sisimiut Kangerlussuullu akornanni qallersugaanngitsumik aqqusinniornermi aningaasartutissat tamarmik Namminersorlutik Oqartussanit akilerneqarnissaannut aqqusinerlu atulerpat ingerlatsinermut aningaasartuutit tamarmik kommunimit akilersorneqarnissaannut tunngassuteqarput.

Inatsisitigut tunngavissat inissinneqarnissaasa suliarineqaqqarnissaat Naalakkersuisunit pingaartinneqarpoq, Sisimiullu Kangerlussuullu akornanni ujaraaqqanik aqqusinniorissaq kingusinnerusukkut aalajangiiffigineqassasoq Naalakkersuisunit siunniunneqarpoq.

Oqallinnermi allannguutissatut siunnersuut tulliuttoq Naalakkersuisunit saqqummiunneqarpoq:

*“Nunatsinni ujaraaqqanik qallersukkamik aqqusinermik sanaartortoqarsinnaanissa Naalakkersuisut inatsisitigut qulakkeerinnittumik suliaqassasut, taamaasiornikkullu Sisimiut Kangerlussuullu akornanni ujaraaqqanik qallersukkamik aqqusinniorneq Namminersorlutik Oqartussanit tamakkiisumik aningaasartuuteqarnissaanik Naalakkersuisut qulakkeerinnissasut, kiisalu kommunip nammineq ingerlatsinermi aningaasartuutinik qulakkeerinnissasoq, Naalakkersuisut peqquneqarnissaannik Inatsisartut aalajangiiffigisassaattut siunnersuut.”*

### **Apeqqutit**

Ataatsimiititaliap siunnersummik suliariinninnermini Ineqarnermut Attaveqaasersuutinut Naalakkersuisoq apeqqutinik arlalinnik akissuteqarnissaanik qinnuigivaa. Ataatsimiititaliap apeqqutai Ineqarnermut Attaveqaasersuutinut Naalakkersuisup akissutai matumunnga isumaliutissiissummut ilanngussatut ilanngunneqarput.

## **Ataatsimiititaliap siunnersuummik suliarinninnera**

Nunarput tamakkerlugu nunaannaq pillugu inatsisiliortoqarnissaa pisariaqartinnejartoq Naalakkersuisunillu allannguutissatut siunnersuutigineqartoq ataatsimiititaliamit isumaqatigineqarpoq.

Illoqarfittu nunaqarfiflu akornini allanik aqqusinniorissamut pilersaaruteqartoqarnera ataatsimiititaliamit aamma ilisimaneqarpoq. Assersuutigalugu Qeqertalik Kommunip Qasigiannguit aamma Ilimanap akornanni ATV-nut aqquteqalernissaanut misissueqqissaarnissamut aningaasat 500.000 kr.-nik immikkoortitsinikuuvooq.

Ukioq naatinnagu saqqummiunneqartussamik Naalakkersuisut aqqusinniorissamut aningaasaleeriaatsinik assigiinngitsunik allanik misissuissapput tamannalu ataatsimiititaliamik qilanaarineqarpoq.

Sisimiut Kangerlussuullu akornani aqqusinniorqarnissaa aamma ataatsimiititaliamit isumaqatigineqarpoq. Oxford Global Projectsip misissueqqissaarnermini takornariaqarnermik inussutissarsiuteqarnermik ineriertortitseqataasinnaaneranik allanneria tamatumani tunngavigineqarpoq.

”Arctic Circle Road aqquaarlugu takornariaqarnermik ineriertortitsineq”, Arctic Circle Business aamma Qeqqata Kommunianit nalunaarusiaanni takuneqarsinnaavoq aqqusinniorneq aningaasatigut akilersinnaasoq, siniffinnut 300-unut namminersortunit aningaasaliisoqarpat, taamaaliornikkut suliffissaqartitsisoqalissasoq takornarianillu sullissinermit akileraarutitigut isertitaqaataassasoq periusissiami saqqummiutissallugu toqqarneqarsimasumi takuneqarsinnaavoq.

Sisimiut Kangerlussuullu akornanni qallersorneqanngitsumik aqqusinniorqarnissaata ukkatarineqarnera annikippallaartoq ataatsimiititaliap suliarinninnermini iserfigaa. Qeqqata Kommuniani inuussutissarsiornikkut ineriertortoqarnissaa pisariaqartinnejartoq. Naalakkersuisut Qeqqata Kommuniatalu nalunaarusiaani Sisimiut Kangerlussuullu akornanni aqqusinniorqarnera inuussutissarsiortunut ineriertornissamut periarfissiilliussaaq.

Arctic Circle Business aamma Qeqqata Kommuniata Sisimiut Kangerlussuullu akornanni aqqusinniorissaq pillugu nalunaarusiaa 2019-mi saqqummiunneqarpoq.

Qeqqata Kommunianit Sisimiut Kangerlussuullu akornanni aqqusinniorissaq pillugu inuiaqatigiinnut aningaasatigut sunniutissaanik ingerlanniakkamillu nalunaajaanissaq imarivai. Takornariaqarnermut tunngassuteqartunik ingerlatsisoqarnera pissutigalugu Kalaallit Nunaannut Qeqqatalu kommunianut aqqusinniorneq inuiaqatigiit aningaasaqarnerannut pitsaaqutaassasoq inerniliisoqarpoq.

Arctic Circle Roadip iluaqtissat aningaasartuutilu imminut naleqqiunneranni pitsasumik angusaqarfiusinnaasoq arlaannulluunniit attuumassuteqanngitsumik siunnersuusiortinnejartoq Oxford Global Projectsi nalunaarusiami inerniliivoq. Oxford Global Projectsip nalunaarusiaa tunngavigalugu Sisimiut Kangerlussuullu akornanni aqqusinniorissamut misissuinissamut suliniuteqarnissamullu Naalakkersuisut aningaasanut inatsimmi aningaasaliissutit sinneruttut 5 mio. kr.-nit atorneqartussanngortippai.

Aqqusinniorissaq piviusunngortinnejassappat suliffeqarfik Verkis, misissuinermik aallartereersoq, aningaasartuutigineqarumaartussat 541 mio. kr.-niussasut nalilerpai.

Naalakkersuisut aamma Qeqqata Kommunia nalunaarusiami sularititaanni, Sisimiut Kangerlussuullu akornanni aqqusinniorissamik suliniuteqarnissap ingerlateqqinnejarnissaa suliaqartinneqartunit innersuussutigineqartoq ataatsimiitaliamit malugiarneqarpoq. Oxford Global Project Sisimiut Kangerlussuullu akornanni aqqusinniorissamik misissueqqissaarnerminni innersuussutaat tunngavigineqarpoq.

Kommunip aamma Oxford Global Projects nalunaarusiaani misissueqqissaarnerit pigineqartut pitsasumik tikkuussinerat Sisimiut Kangerlussuullu akornanni aqqusinniorissamut ataatsimiitaliap akuersaartumik isummerneranut tunngavigineqarpoq.

Aningaasalersuinissamut periarfissanik Naalakkersuisut misissuissasut ataatsimiitaliaq isumaqarpoq, soorlu tamanna aamma Naalakkersuisunit ilisimatitsissutigineqartoq.

Naalakkersuisunit Kalaallit Nunaanni allanik aqqusinniorissamik pilersaaruteqartoqarnersoq ataatsimiitaliamit paaserusunneqarpoq. Soorluttaaq nunap qeriuannartup aakkiautneranit peqquteqartumik, nunaannarmi aqquserngit ajortinnerisa kingunerisaanik, aningaasatigut kingunerisinggaasai pillugit ilisimatitsissuteqartoqarnissaa ataatsimiitaliamit aamma kissaatigineqarpoq.

## **Siunnersuutip aningaasatigut kingunerisassai**

Inatsisartut suleriaasianni § 33, imm. 1-imi allassimavoq aalajangiiffiqassatut siunnersuutip piviusunngortinnerani aningaasaqarnikkut allaffissornikkullu kingunerisassat siunnersuutip tunngavilersuutaani aallaaserineqassasut.

Siunnersuutip piviusunngortinnejarnissaanut aningaasatigut kingunerisassat matumani allanneqarsimaneri siunnersummut naapertuunnera ataatsimiititaliamit maluginiarneqarpoq,

taamaalilluni piareersarluni suliniuteqarnissamut allaffissornikkut aningaasatigullu kingunerisassai AC- fuldmægtigip ukiup ataatsip akissarsiaasa nalinginik 500.000 kr.-nit naammassasut nalilerneqarsimalluni.

Sisimiut Kangerlussuup akornanni aqqusinniorissaq ullumikkut 541 mio. kr.-ninik akeqartussatut nalilerneqarnikuuvvoq. Peqatigitillugu ingerlatsinermut aqqusinermillu aserfallatsaaliinermut kommunip karsia ukiumut 10 mio. Kr.-ninik aningaasartuuteqartassaaq. Naatsorsuutit ukiakkut 2023-mi nutarterneqarnissaat naatsorsuutigineqarpoq.

## **Ataatsimiititaliap inassutai**

Ataatsimiititaliap isumaqatigiittup Naalakkersuisut allannguutissatut siunnersuutaat akuersissutigineqarnissaa inassutigaa.

Taamatut oqaaseqarluni isumaliutissiisummillu allassimasutut paasinnilluni matumuuna ataatsimiitaliap siunnersuut aappassaaniigassanngortippaa.

---

Kristian Jeremiassen  
Siulittaasoq

---

Siverth K. Heilmann  
Siulittaasup tullia

---

---

Harald Bianco

---

---

Anders Olsen

---

Jens Kristian Therkelsen